

ხელშეკრულების დამდები მხარეები ერთის მხრივ, სსიპ „საქართველოს კომუნიკაციების ეროვნული კომისია“ (შემდგომში „შემსყიდველი“), წარმოდგენილი მისი თავმჯდომარის კახი ბექაურის სახით და მეორეს მხრივ, შპს „ავე“ (შემდგომში „მიმწოდებელი“), წარმოდგენილი მისი დირექტორის ელენე გედევანიძის სახით, საქართველოს მოქმედი კანონმდებლობისა და მიმწოდებლის სატენდერო წინადადების საფუძველზე, NAT220006082 ელექტრონული ტენდერის აუქციონის გარეშე ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში „ხელშეკრულება“) - „სახელმწიფო შესყიდვების შესახებ“ საქართველოს კანონის საფუძველზე შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით, დამატებით და ასევე ყველა დოკუმენტაციით, რომლებზეც ხელშეკრულებაში არის მინიშნებული.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე, თუ სხვა მითითებას არ შეიცავს ხელშეკრულება.
- 1.4. „შემსყიდველი“ - ორგანიზაცია, რომელიც ახორციელებს შესყიდვის ობიექტის შესყიდვას სახელმწიფო შესყიდვის შესახებ ხელშეკრულების შესაბამისად.
- 1.5. „მიმწოდებელი“ - პირი, რომელიც ახორციელებს საქონლის მიწოდებას სახელმწიფო შესყიდვის შესახებ ხელშეკრულების შესაბამისად.
- 1.6. „შესყიდვის ობიექტი“ - ხელშეკრულების მე-2 მუხლით გათვალისწინებული საქონელი.
- 1.7. „ტექნიკური დავალება“ - სატენდერო დოკუმენტაციის ტექნიკური დავალება, რომელიც წარმოადგენს ამ ხელშეკრულების განუყოფელ ნაწილს.

2. ხელშეკრულების საგანი

2.1 საკონფერენციო მაგიდის კომპლექტის შესყიდვა (CPV 39121200) დანართი N1-სა და ტექნიკური დავალების შესაბამისად.

3. ხელშეკრულების ღირებულება

- 3.1. ხელშეკრულების ჯამური ღირებულება შეადგენს **16200,00 (თექვსმეტი ათას ორასი ლარი და 00 თეთრი)** ლარს.
- 3.2. ხელშეკრულების ჯამური ღირებულება მოიცავს ხელშეკრულებით გათვალისწინებული საქონლის მიწოდებასთან დაკავშირებულ ყველა ხარჯს საქართველოს კანონმდებლობით გათვალისწინებულ გადასახადების ჩათვლით.
- 3.3. ხელშეკრულებით გათვალისწინებული ანგარიშსწორება ხორციელდება შემსყიდველის საკუთარი სახსრებით.
- 3.4. ხარჯები, რომლებიც არ არის გათვალისწინებული ხელშეკრულებაში, არ ანაზღაურდება

4. ანგარიშსწორების ფორმა და ვადები

- 4.1. შემსყიდველი მიმწოდებელთან ანგარიშსწორებას ახორციელებს უნაღდო ანგარიშსწორების ფორმით, ეროვნულ ვალუტაში.
- 4.2. მიმწოდებელი უფლებამოსილია მოითხოვოს ავანსი ხელშეკრულების საერთო ღირებულების არაუმეტეს 70% ოდენობით, მის მიერ შემსყიდველისთვის ავანსის უზრუნველყოფის საბანკო გარანტიის წარდგენის საფუძველზე. ავანსის უზრუნველყოფის საბანკო გარანტიის მოქმედების ვადა არანაკლებ 30 კალენდარული დღით უნდა აღემატებოდეს ხელშეკრულების შესრულების ვადას და გაცემული უნდა იყოს ავანსის სრულ ოდენობაზე. ავანსის უზრუნველყოფის საბანკო გარანტია უნდა იყოს უპირობო და გამოუთხოვადი (აღნიშნულ მითითებას უნდა შეიცავდეს საბანკო გარანტიის ტექსტი) და გაცემული უნდა იყოს საქართველოს ეროვნული ბანკის მიერ ლიცენზირებული საბანკო დაწესებულების ან სსიპ „საქართველოს დაზღვევის სახელმწიფო ზედამხედველობის სამსახურის“ მიერ ლიცენზირებული სადაზღვევო კომპანიის მიერ, ეროვნულ ვალუტაში - ლარში. ავანსი მიმწოდებელს გადაერიცხება წარმოდგენილი საბანკო გარანტიის საფუძველზე, მისი წარდგენიდან არაუგვიანეს 10 სამუშაო დღისა.

4.3. ხელშეკრულების საერთო (ან დარჩენილი) ღირებულება მიმწოდებელს გადაერიცხება მხარეებს შორის შედგენილი მიღება-ჩაბარების აქტის გაფორმების საფუძველზე, არაუგვიანეს 10 სამუშაო დღისა.

5. მიღება-ჩაბარების წესი

5.1. შესყიდვის ობიექტის მიწოდების შემდეგ მხარეებს შორის გაფორმდება მიღება-ჩაბარების აქტი.

5.2. შემსყიდველის მხრიდან მიღება-ჩაბარების აქტის ხელმოწერაზე უფლებამოსილი პირია კომისიის ადმინისტრაციის უფროსი ოლია ვოტ.

6. მიწოდების პირობები და გარანტია

6.1. საქონლის მიწოდების ვადაა: ხელშეკრულების გაფორმებიდან არაუგვიანეს 20 (ოცი) კალენდარული დღე.

6.2. მიწოდების ადგილი: ქ. თბილისი, ქ. წამებულის გამზ. / ბოჭორმის ქ. 50/18; შემსყიდველის ადმინისტრაციული შენობა მეორე სართული. საქონლის მიწოდება მოიცავს მიწოდებას, აწყობას და საკონფერენციო დარბაზში განლაგებას, რასაც უზრუნველყოფს მიმწოდებელი.

6.3. მოწოდებული საქონლის საგარანტიო ვადა განისაზღვრება 5 (ხუთი) წლით. საგარანტიო ვადის განმავლობაში მიმწოდებელი უზრუნველყოფს გამოვლენილი ხარვეზის აღმოფხვრას შემსყიდველთან შეთანხმებულ გონივრულ ვადაში, მაგრამ არაუგვიანეს 5 კალენდარული დღისა.

მიმწოდებელი იძლევა გარანტიას, რომ მიწოდებული საქონელი აკმაყოფილებს მოქმედ სტანდარტებს, შესრულებულია კეთილსინდისიერად და გულისხმიერად, ლაქი არ დაიბზარება, შპონი არ აიწევა ან ამოიბურცება, გადაბმის ადგილები არ დაშორდება. ზედაპირი არის გლუვი, არ გაიკეთებს ტალღებს. კონსტრუქცია მყარია, მდგრადი და არ მოირყევა.

6.4 ხელშეკრულების მოქმედების ვადის ამოწურვა გავლენას არ ახდენს მიმწოდებლის საგარანტიო ვალდებულებებზე.

7. მხარეთა უფლება-მოვალეობანი

7.1. შემსყიდველი უფლებამოსილია:

ა) ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება.

7.2. შემსყიდველი ვალდებულია:

ა) უზრუნველყოს მიმწოდებლისთვის საქონლის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;

ბ) უზრუნველყოს წარმომადგენლის გამოყოფა, რომელიც ზედამხედველობას გაუწევს პროცესს და საჭიროების შემთხვევაში, მიმწოდებელს გაუწევს შესაბამის კონსულტაციას.

7.3. მიმწოდებელი უფლებამოსილია:

ა) მოსთხოვოს შემსყიდველს ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

7.4. მიმწოდებელი ვალდებულია:

ა) მიწოდოს საქონელი სათანადო ხარისხითა და სრული მოცულობით, იმ ვადაში, რომელიც მითითებულია ამ ხელშეკრულებაში.

ბ) უზრუნველყოს მიწოდება ტექნიკური დავალების შესაბამისად;

8. ხელშეკრულებით ნაკისრი ვალდებულებების შესრულების ინსპექტირება

8.1. ხელშეკრულებით ნაკისრი ვალდებულებების შესრულების ინსპექტირებას განახორციელებს კომისიის ადმინისტრაციის უფროსი ოლია ვოტ.

8.2. ინსპექტირება გულისხმობს მიმწოდებლის მიერ ხელშეკრულების პირობების შესრულების, აგრეთვე მიწოდებული საქონლის ხარისხის კონტროლს.

8.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

9. პირგასამტეხლო ხელშეკრულების პირობების შეუსრულებლობისათვის

- 9.1. მიწოდების ვადის გადაცილებისათვის მიმწოდებელს ეკისრება პირგასამტეხლოს გადახდა ყოველ ვადაგადაცილებულ დღეზე, ხელშეკრულების საერთო ღირებულების 0.02 %-ის ოდენობით.
- 9.2. მიწოდების ვადის 5 დღეზე მეტით გადაცილების შემთხვევაში, შემსყიდველი უფლებამოსილია შეწყვიტოს ხელშეკრულება და დააკისროს მიმწოდებელს პირგასამტეხლო ხელშეკრულების ჯამური ღირებულების 10%-ის ოდენობით.
- 9.3. საგარანტიო ვალდებულებების დარღვევის შემთხვევაში, მიმწოდებელს დაეკისრება პირგასამტეხლო ხელშეკრულების საერთო ღირებულების 5% ოდენობით, თითოეულ შემთხვევაზე.
- 9.4. ანგარიშსწორების ვადის გადაცილებისთვის, მიმწოდებელი უფლებამოსილია შემსყიდველს დააკისროს პირგასამტეხლო გადასახდელი თანხის 0,02% ოდენობით, ყოველი ვადაგადაცილებული დღისთვის.
- 9.5. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისგან

10. ხელშეკრულებაში ცვლილების შეტანა და ხელშეკრულების შეწყვეტა

- 10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.
- 10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხორციელდება საქართველოს კანონმდებლობით დადგენილი წესით.
- 10.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.
- 10.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.
- 10.5. მხარე ვალდებულია 10.4 პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.
- 10.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

11. დაუძლეველი ძალა

- 11.1. მხარეები არ აგებენ პასუხს ვალდებულებათა სრული ან ნაწილობრივი შეუსრულებლობისათვის იმ შემთხვევაში, თუ აღნიშნული გამოწვეულია ფორს-მაჟორული გარემოებებით (მიწისძვრა, წყალდიდობა, სახელმწიფო გადატრიალება და სხვა გარემოებები, რომლებიც არ არიან დამოკიდებული მხარეებზე და ითვლებიან ფორს მაჟორულ გარემოებებად).
- 11.2. მხარემ, რომელსაც შეექმნა ფორს-მაჟორული გარემოება დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ.
- 11.3. წერილობით შეტყობინებაში მითითებული ფაქტები დადასტურებული უნდა იქნას კომპეტენტური ორგანოს მიერ. დადასტურება არ არის საჭირო, თუ აღნიშნული ფაქტები ცნობილია საზოგადოდ.
- 11.4. მხარეები ანახლებენ თავიანთი ვალდებულებების განხორციელებას ფორს-მაჟორული გარემოებების აღმოფხვრისთანავე.

12. დავები და მათი გადაწყვეტის წესი და სატენდერო პირობების უპირატესობა

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად. ხელშეკრულების პირობებსა და სატენდერო პირობებს შორის შეუსაბამობის შემთხვევაში უპირატესობა ენიჭება სატენდერო პირობებს.

13. ხელშეკრულების მოქმედების ვადა და ენა

- 13.1 ხელშეკრულება ძალაში შედის ხელშეკრულების ხელმოწერის დღიდან და მოქმედებს 2022 წლის 31 ივლისის ჩათვლით.
- 13.2 ხელშეკრულება შედგენილია ქართულ ენაზე, ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

შემსყიდველის მხრიდან ხელშეკრულებაზე ხელის მომწერი პირი ვადასტურებს, რომ არ ვიმყოფები ინტერესთა კონფლიქტში ხელშეკრულებაში მითითებულ მიმწოდებელთან „სახელმწიფო შესყიდვების შესახებ“ საქართველოს კანონის მე-8 მუხლის შესაბამისად.

შემსყიდველი

მიმწოდებელი:

**სსიპ „საქართველოს კომუნიკაციების ეროვნული
კომისია“**

მისამართი: ქ. თბილისი, ქეთევან წამებულის

გამზირი/ბოჭორმის ქ. №50/18

საიდ. კოდი: 204953050

სს „თი ბი სი ბანკი“

ა/ა: GE11TB0600000000609326

შპს „ავე“

მისამართი: ქ. თბილისი,

მექანიზაციის 1

საიდ. კოდი: 428521263

ს/ს „თიბისი ბანკი“

ა/ა: GE77TB7637036020100003

კახი ბექაური

კომისიის თავმჯდომარე

ელენე გედევანიძე

დირექტორი

დანართი N1

	დასახელება	რაოდ	ერთეულის ფასი	საერთო ღირებულება
1	საკონფერენციო მომრგვალებული მაგიდა (ტექნიკური დავალების შესაბამისად)	1	12200	12200
2	საკონფერენციო მაგიდა მხარეებისთვის (ტექნიკური დავალების შესაბამისად)	1	4000	4000
		ჯამი		16200

შემსყიდველი

მიმწოდებელი:

სსიპ „საქართველოს კომუნიკაციების ეროვნული
კომისია“

მისამართი: ქ. თბილისი, ქეთევან წამებულის

გამზირი/ბოჭორმის ქ. №50/18

საიდ. კოდი: 204953050

სს „თი ბი სი ბანკი“

ა/ა: GE11TB0600000000609326

შპს „ავე“

მისამართი: ქ. თბილისი,

მექანიზაციის 1

საიდ. კოდი: 428521263

ს/ს „თიბისი ბანკი“

ა/ა: GE77TB7637036020100003

კახი ბექაური

კომისიის თავმჯდომარე

ელენე გედევანიძე

დირექტორი



ტექნიკური დავალება

1. საკონფერენციო მომრგვალებული მაგიდა - რაოდენობა:1

- მაგიდა დამზადებული უნდა იყოს მერქან ბოჭკოვანი ფილისგან (მდფ), სრულად დაშპონილი ზედაპირებით.
- შპონის მასალა: ოვენგოლი, ნატურალური ფერი და დიზაინი ფოტოს შესაბამისად, ლაკირება ნახევრად მატი.
- საკონფერენციო მაგიდის ზომები თანდართული ფაილის შესაბამისად, სიმაღლე 76სმ.
- შემსყიდველთან შეთანხმებით/მოთხოვნით/აუცილებლობით დასაშვებია ცდომილება გაბარიტულ ზომებში ± 1 სმ (არ იგულისხმება სიმაღლე და ჩასაშენებელი ტექნიკისთვის საჭირო ჭრები);
- ზედაპირი დამზადებული ორმაგი დასქელებით (არანაკლებ 36მმ) წინა კიდიდან 10სმ მანძილზე.
- გვერდხედი და წინხედი ზედაპირიდან ძირამდე დაშვებული დაშპონილი მდფ-ის გვერდებით.
- მაგიდის გვერდითა და წინა გვერდები მაგიდის ზედაპირის სისწორეზე.
- ლითონის არანაკლებ 4 და არაუმეტეს 6 ფეხით. ფეხის სიღრმე 60-65სმ. ფეხები თანდართული ფაილების შესაბამისად, შედუღებული მილკვადრატი, არანაკლებ 60*40მმ, სისქე არანაკლებ 2მმ, ბოლოები სამკუთხა რკინით ამოვსებული დაბოლოებით. ფეხები შეკრული უნდა იყოს მაგიდის შიგნით მეტალის კონსტრუქციით. მეტალის ნაწილები დამუშავებული უნდა იყოს ელექტროსტატიკური საღებავით, ფერი შავი.
- მაგიდაში თანდართული ფაილების შესაბამისად, ჩაშენდება ტექნიკა, შესაბამისად, აღნიშნული ადგილები უნდა იყოს ამოფრეხილი და გამზადებული ტექნიკის მონტაჟისთვის (ამოსაჭრელი ნაწილების ზომები და ფორმები გადაეცემა მიმწოდებელს) ჭრილზე არ უნდა იყოს ნაწიბურები, ჭრები უნდა დაიშპონოს იგივე ხის ანათალით. (ტექნიკისთვის საჭირო ჭრები უნდა განხორციელდეს ტექნიკოსებთან კოორდინაციაში, საჭიროების შემთხვევაში შესყიდველთან შეთანხმებით უნდა მოხდეს ჭრების კორექტირება.)
- შპონი დაკრული უნდა იყოს ისე, რომ ქმნიდეს ერთიან ნახატს (რენდერის შესაბამისად)
- გადაბმის ადგილები უნდა იყოს მაქსიმალურად უხილავი. მაგიდის კომპლექტი შესრულებული უნდა იყოს მაღალი ხარისხით. შპონი არ უნდა აძვრეს, ამოტყდეს, ამოიბურცოს, აიქერცლოს და სხვა. მაგიდა უნდა იყოს თანდართული ვიზუალის შესაბამისი, მაგიდა უნდა იყოს მყარი და არ უნდა ირყეოდეს. მაგიდას შიდა მხრიდან უნდა გაუკეთდეს მდფ-ის კაბელ არხი მთლიან პერიმეტრზე, წინიდან მდფ-ის შემზღუდველით (დამჭერი კაბელების გადმოცურებისგან). ტექნიკა უნდა იფარებოდეს დაშპონილი დეტალებით, არ უნდა იყოს ზედმეტი ნახვრეტები და შემდგომ ამომშაკლული.
- სამუშაოების დაწყებამდე აუცილებელია მომწოდებელმა შემსყიდველთან შეთანხმოს მდფ-ის (არაუმეტეს 5 ნაჭერი ზედაპირი და არაუმეტეს 5 ნაჭერი წინხედი) და შპონის განშლა, ჭრები და განლაგება.

2. საკონფერენციო მაგიდა მხარეებისთვის - რაოდენობა:1

- მაგიდა დამზადებული უნდა იყოს მერქან ბოჭკოვანი ფილისგან (მდფ), სრულად დაშპონილი ზედაპირებით.
- შპონის მასალა: ოვენგოლი, ნატურალური ფერი და დიზაინი ფოტოს შესაბამისად, ლაკირება ნახევრად მატი.
- მაგიდის ზომები თანდართული ფაილის შესაბამისად, სიმაღლე 76სმ.
- შემსყიდველთან შეთანხმებით/მოთხოვნით/აუცილებლობით დასაშვებია ცდომილება გაბარიტულ ზომებში ± 1 სმ (არ იგულისხმება სიმაღლე და ჩასაშენებელი ტექნიკისთვის საჭირო ჭრები);
- ზედაპირი დამზადებული ორმაგი დასქელებით (არანაკლებ 36მმ) წინა კიდიდან 10სმ მანძილზე.
- გვერდხედი და წინხედი ზედაპირიდან ძირამდე დაშვებული დაშპონილი მდფ-ის გვერდებით.
- მაგიდის გვერდითა და წინა გვერდები მაგიდის ზედაპირის სისწორეზე.
- ლითონის 2 ფეხით. ფეხის სიღრმე 60-65სმ. ფეხები თანდართული ფაილების შესაბამისად, შედუღებული მილკვადრატი, არანაკლებ 60*40მმ, სისქე არანაკლებ 2მმ, ბოლოები სამკუთხა რკინით ამოვსებული დაბოლოებით. ფეხები შეკრული უნდა იყოს მაგიდის შიგნით მეტალის კონსტრუქციით. მეტალის ნაწილები დამუშავებული უნდა იყოს ელექტროსტატიკური საღებავით, ფერი შავი.
- მაგიდაში თანდართული ფაილების შესაბამისად, ჩაშენდება ტექნიკა, შესაბამისად, აღნიშნული ადგილები უნდა იყოს ამოფრეხილი და გამზადებული ტექნიკის მონტაჟისთვის (ამოსაჭრელი ნაწილების ზომები და ფორმები გადაეცემა მიმწოდებელს) ჭრილზე არ უნდა იყოს ნაწიბურები, ჭრები უნდა დაიშპონოს იგივე ხის ანათალით. (ტექნიკისთვის საჭირო ჭრები უნდა განხორციელდეს ტექნიკოსებთან კოორდინაციაში, საჭიროების შემთხვევაში შესყიდველთან შეთანხმებით უნდა მოხდეს ჭრების კორექტირება.)
- შპონი დაკრული უნდა იყოს ისე, რომ ქმნიდეს ერთიან ნახატს (რენდერის შესაბამისად)
- გადაბმის ადგილები უნდა იყოს მაქსიმალურად უხილავი. მაგიდის კომპლექტი შესრულებული უნდა იყოს მაღალი ხარისხით. შპონი არ უნდა აძვრეს, ამოტყდეს, ამოიბურცოს, აიქერცლოს და სხვა. მაგიდა უნდა იყოს თანდართული ვიზუალის შესაბამისი, მაგიდა უნდა იყოს მყარი და არ უნდა ირყეოდეს. მაგიდას შიდა მხრიდან უნდა გაუკეთდეს მდფ-ის კაბელ არხი მთლიან პერიმეტრზე, წინიდან მდფ-ის შემზღუდველით (დამჭერი კაბელების გადმოცურებისგან). ტექნიკა უნდა იფარებოდეს დაშპონილი დეტალებით, არ უნდა იყოს ზედმეტი ნახვრეტები და შემდგომ ამომშაკლული.
- სამუშაოების დაწყებამდე მომწოდებელმა შემსყიდველთან უნდა შეთანხმოს მდფ-ის და შპონის განშლა, ჭრები და განლაგება.

















Natural

თუნგოლი